



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Aegidij Schondonchi Laus, ibidem

urn:nbn:de:hbz:466:1-38320

illisque qualibet de causa deficientibus, ex quibuscunque aliis certissimis gratiis sui rationibus, numerum vero alendorum iuuenum permittebat iudicio Patrum Societatis Iesu, sub quorum disciplina eam fundabat domum, quaesita est amplior (quam nunc habitant Capucini) ac denique tertia, septingentis quinquagintaempra libris nostratibus à Decano *Bersac*, quam iam ab annis sexaginta in se derunt, platea Civitatis amplissima, aere libero, vicinitate honestissima, agro lat magno, atque à patrum Scholis modicè disjuncto. Civitas nuperimè Gallorum afflicta incursionibus, & quae nunquam sibi videtur sat ab externo tuta, assueta praeterea hybernis militum grauari; cum Regi, post varia proposita impedimenta, pro potestate mandanti hos iuvenes domo recipi, diutius non posset obistere; vt secura esset, datus est Rector Regi subditus; vt impetrata ipsa parceret, nulla vel prece vel ratione passa est induci, vt quae aedes emptae, vel in futurum emi contingeret, à militum seruitute essent liberae: Itaque Rector datus est Rege assentiente *Ioannes Foucart* Gallo belga; seruitus hodieque manet, eodemque, quo ante emptionem oneratur domus milite.

VII. Creuit tamen istud cum die Seminarium & numero, & re, & aedificiis coemptis, & factis; & quod in primis spectatum fuit, pietate ac literis. Nam ab initio cum optimis vicinarum nationum ingeniis in florentissima tunc temporis Patrum Belgarum schola pari loco contendebat; & annis consequentibus postquam domesticos intra parietes studiorum palaestra constituta est, graecis latinisque literis tam assiduam, tamque felicem operam nauavit copiosa iuuentus, vt in longinquas Regiones fama propagata, laudi suae & gloriae doctissimorum hominum adiunxerit admirationem. Etenim *Aegidius Schoondonck* Brugensis, post *Foucartium* Rector, vir natus factusque ad Iuuentutem rectissimis praecipis informandam, eò collimabat vt quos acceperat optimarum disciplinarum capacissimos, hos aut redderet Patriae, aut ad altiora Romam studia, aut in Hispaniam dimitteret, non leuiter tinctos, sed omnibus humaniorum literarum ornamentis conspicuos. Itaque à primo confectum limine graeca iungebat latinis, & balbutientes cum iucunditate audiebat & cum laudis praemio. Tum cum verborum aliquam copiam didicissent, docebat ex altiori loco super mensa interpretari faciliora quaedam vel ex nouo testamento Graeco, vel ex *Isocrate*, *Chrysostomo*, & similibus; modo vt ex Graeco Latine redderent, modò vt facerent ex Latino Graecum. Aliquantulum deinde progressis dabat argumenta quaedam, seu Theses, de quibus ex praecogitato primum, tum etiam ex tempore disputarent, vno affirmante, altero negante, & probationes alterius refellente, verbis primo loco graecis prolata sententia, tum eadem latine enuntiata. Ita factum est vt cum mediae supremaeque Grammaticae huiusmodi exercitationes miscerentur, ad Poetarum, Rhetorumque scholas euecti promptissimè de re qualibet repente proposita vtraque lingua disceptarent. Quod cum externi ad mensam vocati experirentur (nam ipsi proponebant quam vellent thesim) nemo erat qui ingenio, industriae, promptitudini denique & gratiae plausum non daret

1594.
Regis licentia
ad Ernestum 4.
Martij.

Eius incrementa & splendor.

Aegidij
chondorchi laus.

1594.

& tantam in teneris annis vtriusque linguæ, & verò rerum sententiarumque copiam, & acumina non suspiceret. Neque minor fuit viri istius admirandi ad mores informandos industria; Nactus enim Adolecentes ad luteipienda virtutis semina perquam idoneos, excelsò etiam nobilitatos animo, vt qui honore & gloria plurimum atque comitate ducerentur, his vt ipse excelleret, eisdem quæcunque tradebat præcepta inspergebat, domesticarumque actionum ordinem à prima luce ad multam noctem tanta concinnitate descripsit, vt hic etiam intuentibus admirationi sit, & posterioribus annis Belgas ad eandem inter Anglos disciplinam concupiscendam pellexerit. Vt autem pietate iucundissimè imbuerentur, ad cantum musicum, tum voce tum diuerso instrumentorum genere, voluit quam plurimos erudiri; tum empta vicina domo, atque in lacrarium versa, sacras ceremonias decentissimè peragi, & vario conditi concentu: Sodalitates denique inter ipsos adolecentes distinxit, sub Sacratissimæ Virginis, & Angelorum nomine; vt qui ad virtutem passibus non æquis proficerent, præcurrentium ardore incitarentur. Quæ duo virtutis & literarum ornamenta eo Rectore annis decem & septem stabilita, tanto splendore domum illustrarunt, vt viri amore & veneratione ad ipsos Angliæ Hæreticos delatis, id quod legibus inhibebant laude prosequerentur: Catholici vero nusquam liberos collocari arbitrantur melius quam sub huius umbra; qui cum ad complectendos, præter linguam, cuncta se profiteretur habere Anglica, tum ad instruendos diuina quadam videbatur insignis facultate. Auctusque est numerus Adolecentum illo regente vltra centesimum: Idemque ad nostram ætatem continuatus, iisdem sub *Schoondoncki* institutis; vt iure merito huic viro debeatur & incrementum, & tanti gloria Seminarij. *Schoondonckum* secutus est *Philippus Dentiers* ex Flâdria Gallicana oriundus, ciuitate quam dicunt Insulam, rexitque annis quatuor. Tum Missionem Anglicanæ erecta in vice-Prouinciæ, & dato Collegijs eius gentis in Belgio sitis vice Prouinciæ Anglo, Anno seculi decimi sexti vigesimo secundo incunte Anglum etiam Rectorem admisit *Cuuitas Guilielmum Balduinum*, recenter ex arce Londinensi dimissum, vt in loco dicitur: Atque ab eo tempore continuatis in ea gente Rectoribus, didicit non minore fide posse Anglos præesse in vrbe hosti finitima, quam reliquos Hispano subditos. Depositisque suspicacibus animis, vniter los quantouis numero locupletatos summa caritate complectitur & recreat humanitate.

Vita &
Mors Ioan-
nis Corneli-
ij.

VIII. Ista dum perficiuntur à *Personio* in Hispania Tyronibus alendis exercendisque ad futura pro Christi fide certamina, veterani in Anglia milites in quam arenam fortes audentesque descenderant, in eadem victoriæ palmâ imperterriti defixerunt. *Ioannes Cornelius* vitâ cum eximia Sanctitate traducta, & non minori cōstantia morte pro Christo obita annum nonagesimum quartum illustrauit: Natus Bodmaniæ in Cornubia, Parentibus humili vtroque fortuna (vt qui purgandis caminis dicuntur traxisse familiam) quàm vere dictum sit, *Dum humilia respicere, & alta à longè cognoscere*, in se vno demonstrauit.